

نسخه سی ۱۰ غروشدر

صاحبی، مدیری، محرری



اسلامك نفعنه خادم مقالات
مع الت شكر قبول ونشر اولونور

يازانك شخصيتي دكل، يازينك اهميتي
نظردفته آلتير .

كلن يازيلردن شايان قبول كورولنلر
تامرل صيراسيله درج ايديلير .



دینی، علمی، ادبی، اجتماعی و شمیمی
شهری مجموعه در

۱۳۴۱ شواله مخصوص نسخه

عدد : ۳۶

اداره خانه سی : آق سرایده
ملا کورانی محله سنده مهتر
سوقا غنده ۳ نومرولو خانه

مرکز توزیعی :

باب عالی جاده سنده (اتحاد
تجارت) کتبخانه سی

آبونه بدلی :

سنه لکی ۱۰۰ غروش

آلتی آلتی ۵۰

جلد : ۳

مهمربات:

مخمل دینی و علمی : بایرام تبریکی و افاده مخصوصه - طاهر المولوی . جمعه غسلی ، جمعه نمازینه
ایرکن کیتیک ، جمعه وقتی آلیش ویریشک تعطیلی ، وظیفه و جمعه نمازی - طاهر المولوی . علم اساطیر -
طاهر المولوی . عالم اسلام و عرقلر مسئله سی - سعدی بک .

مخمل ادبی : توحید و تمجید باری - محمد صادق افندی . نعت شریف - توقادی زاده شکیب بک .
رباعی - شیخ عبدالباقی افندی . غزل - محی الدین رائف بک . آفاق تنوری و انفسک تحسری - طاهر المولوی .

مخمل تاریخی : جعفر بن ابی طالب - طاهر المولوی . شیخ عثمان شمس افندی حقنده - حسین و صاف بک .
اسعد دده مرحومه دائر بعض خاطرات - طاهر المولوی .

آفاقه کرم ایله دیکک نور و ضیادن
 قیل انفسی ده مظهر انوار جمالک
 آرتیق سحر لطفکجه محتاجز الهی
 اولدوردی بزى ليله یلداى جلالک
 طاهر المولوى

مخمل تاریخی :

جعفر بن ابی طالب

مابعد :

(عبادات اسلامیة تاریخیچه سی) عنوانیله محفله
 درج ایدیلکده اولان سلسله مقالاتک برنده
 ده نیلمشدی که :

«ابوطالبک ضرورتیله برابر کثرت عیالی بولوندیغندن
 کندیسنى ازن بار اعاشه نك تخفیفی ایچین اولادندن
 ایکسنىک آلنوب بسله نیلمه سی رسول اکرم له عمجه سی
 عباس بن عبدالمطلب آراسنده قرارلاشدیریلش وعلی نزد
 نبوی به ، جعفرده بیت عباسه لینمشدی »
 جناب علینک حمایه پیغمبری به کبردیکی وقت بش
 یاشنده بر معصوم اولدیغنه دائر بروایت کورمشم .
 اور وایته نظرأ حضرت جعفرکده اون بش یاشنده بر
 ده لیقائلی ایکن عمجه سنک یانته کیتدیکی تفهیم اولونور .
 ابن هشام « ولم یزل جعفر عند العباس حتى السلم واستغنی عنه »
 یعنی « جعفر ، مسلمان و عمجه سندن مستغنی اولونجه به قدر
 عباسک یاننده قالدی « دیور . جعفر حضرتلری ،
 سابقین اسلامدنر . کندیسنىک اون بشنجی ، یاخود
 اوتوز برنجی مسلمان اولدینی ابن اسحاقدن نقلأ « کتاب
 الاصابه) ده محرردر . ابن هشام ایسه جعفر ابی طالبه
 قدر اولان قدمای مسلمینک اسامیسنى شو صورتله ضبط
 ایله مشدر :

۱ خدیجه بنت خویله ۲ علی بن ابی طالب ۳ زید بن
 حارثه ۴ ابوبکر بن ابی قحافه ۵ عثمان بن عفان ۶ زبیر بن العوام
 ۷ عبدالرحمن بن عوف ۸ سعد بن ابی وقاص ۹ طلحه بن
 عیدالله ۱۰ ابوعبیده عاصم بن عبدالله بن الجراح ۱۱
 ابوسلمه عبدالله بن عبدالاسد ۱۲ ارقم بن ابی الارقم ۱۳
 عثمان بن مظعون ۱۴ قدامة بن مظعون ۱۵ عبدالله بن مظعون
 ۱۶ عبیده بن الحارث ۱۷ سعید بن زید ۱۷ سعید کحرمی
 فاطمه بنت الخطاب ۱۹ اسماء بنت ابی بکر ۲۰ عائشه بنت ابی

کولسونمی کلشن عشقم بهاره وار ایکن
 حسنی دلده بیک بهار ایجاد ایدر برکلفم
 بر آدم (محبی) بر اسمم نفس ، بر نامم کوکل
 لصیغماسم ارض وسمايه چوقی سر آدم
 محبی الدیه رائف

آفاقک تنوری و انفسک تحسری :

طالع کبی مستغرق اولوب خواب کرانه
 برجامد بی حس کبی آفاق او یویوردی
 دوچار اولارق طنانکه عمای ابدی به
 ظلمت بورومش کوزلرینی شرق او یویوردی .

بیلمم نه قدر سوردی بوتاریکی مشوم
 بردن بره برشعله آمید آچیلدی

شرقک او یویان دیده سنه فخرک آلیله
 فیض یقظه سرپیلوب انوار صاحیلدی .

محو اولدی اوقسوتلی سکونی کیجه بیتدی
 عکس ایله مهیه باشلادی اطرافده آواز
 نشر ایله دی آفاقه منارات جوامع
 الهام الهی کبی برنغمه ایقاظ

آچدی کوزینی غفلت ایچنده او یویانلر
 هر نقطه اولوب نور نباهتله مجلا
 اقبال وسعادت کبی شرقک اوزه رنده
 کون طوغدی ضیالاتدی ینه خاور اقصى

ای تاب تجلیسی اولوب نور سماوات
 آویزه قیلان قبه کردونه نجومی
 ای لمعه الطافی اولوب مهر سعادت
 بر صبح صفایه جویرن لیل غمومی

حبشستانده فائل امان اولان بو جماعت ، رجب ، شعبان ، رمضان آیلرینی اوراده کچیردی . اوسنه نك رمضان ایچینده علیه الصلاة اوندین ، حرم شریف داخنده بلند آواز ایله (والنجم) سورهنی اوقویوب ، ختامنده مسجدده وارمش ، کندیسنه اتباع ایله بن مسلمانلرله برلکده - قرآنک جاذبه بلاغته طوتولش اولان - مشرکارده مسجدنه قاباغش وشو حادته ، آغیزدن آغیزه حبشستانه قدر کیدوب اوراده کی مهاجرینه قریشیلرک اسلامه کلدیکی ظنی و برمش ، حتی بعضیلرینی شوال ایچنده مکه به قدر کتیرمشدی .

کلر ، ایشک اومدقلری کبی اولادیغنی آکلایچه کری دوندیلر (*) و خبر غزاسنه قدر حبشستانده مأمون و صرفه اولارق یاشادیلر . یمنده کی اشیریلردن ابوموسی ایله بعض رففاسی ده رسول اکرمه اتباع ایچین مکه به کلک اوزره قایقه بینمش ایکن فیروطنه سوقیله حبش ساحلنه آتیلمش واورایه جیقوب مکه مهاجرینی آراسنه قاتیلمشدی .

* *

(قاموس الاعلام) ده ده نیلیورکه :

« میلادک ذردنجی قرنی اوائلنده سوریه دن حبشه برطاقم راهبر کیده وک دین عیسایی قبول ایتدیرمشلردر . روایت کوره ده اول دخی حبشیلر دین موسادن بعض مراسم وازجله جوجوقلرینی سنت ایتدیرملک طاقی اخذ ایتملردی . . . »

خریستیان اولدقلری حالده کنه یلرینه مخصوص بر مذهبلی اولوب حضرت عیسایک الوهیتنه قائل اولقسرین یالکز نبوتی تصدیق ایدرلر . تعدد ازواجه عندلرنده مساخ اولوب زنکیملری قدرلری یتدیکی قدرقاری آلیرلر . یالکز راهبرلی برز قاری آلتی مجبوریتنده درلر . امور دینه ده پک مبالاقلری اولمایوب اسکیدن قالما بعض هادتلره دخی رعایت ایدرلر . مع هذا باباسلرینک نفوذ و اقتداری زیاده در . مملکتده مسلمانلر دخی کثرت اوزره اولوب علی الخصوص حکم و نفوذلری زیاده اولان غالار دین اسلامه متدیندرلر .

اهالیسی اعتقاد واعتیاد خصوصنده شو حالده بولونان حبشستانده راحت ایتیه باشلایان مسلمان مهاجرلری ، قریشیلرک بر تشبیلله موقتاً بی حضور اولدیلر :

بوایکنجی سفره (حبش هجرت ثانیه سی) ده نیر .

بکر (*) ۲۱ خباب بن الارت ۲۲ عمر بن ابی وقاص ۲۳ عبدالله بن مسعود ۲۴ مسعود بن القاری ۲۵ سلیط بن عمرو ۲۶ عیاش بن ابی ربه ۲۷ عیاشک حریمی اصماء بنت سلامة ۲۸ خنیس بن خذافه ۲۹ عبدالله بن جحش ۳۰ ابواحمد بن جحش ۳۱ جعفر بن ابی طالب ۳۲ حریمی اسماء بنت عمیس . جعفرک اسلامنی (عبادت اسلامیه تاریخچه سی) مقاله سنده شویله حکایه ایتشدیم :

« .. جماعت تزیاده باشلامقله برابر طاقنا جمعیت خفیه حالنده اولدیغندن علناً نماز قیلینامیوردی . بوندن طولانی علیه الصلاة اوندین ، بعضا حضرت علی بن معیتنه آلیور ، مکه خارجنه وطاق آرارینه کیدوب اورالرده اقشام نمازینی قیلور وقارنلق باصیغه عودت ایدیوردی . بردقه ، نبی ایله ولیدن عبارت اولان شو جماعتک ادای صلات ایتدیکی بره ابو طالب جیقه کلش ، برادر زاده سنک اوکده مقتدا ، اوغلنک آز کیده وصاغده مقتدی بولوندیغنی کورنجه یاننده کی دیگر اوغلی جعفری : — من ده عمجه زاده کک جناحنه صیغین . دیه بی اکرمک صول طرفنه کچیرمش وجعفرک اسلامنه سبب اولمشدی »

* *

محلک ۱۳ نومرولو نسخه سنده مندرج (مصعب بن عمیر) مقاله سنده ده بیان ایدیلدیکی وجهله مشرکین قریشک ، علیه السلام واصحاب کرام حضراتنه قارشى اذا و جفالربنک تحمل اولوناماز بردوجه به کله سی اوزهرینه بشنجی سنه بعثت ایچنده ایستک ایدنلرک حبشستانه کتیمه لری ایچین طرف رسالندن اذن و بریلدی و (لوخرجتم الى ارض الحبشة فان بها ملک لا یظلم عنده احد و هی ارض صدق حتی یجعل الله لکم فرجاً ما اتم فیه) یعنی « جیقوب حبشستانه کیتسه کز . اوراده بر حکمدار وارکه اونک یاننده کیمسه به ظلم ایدیله من . ایچینه بولوندیغکز صیقیتیدن الله سزی قورنارنجیه قدر اوراده اوطورسه کز » ده نیلیدی . بناء علیه بشنجی سنه رجبی ایچنده و او شهرک جرمتندن بالاستفاده مسلمانلردن بر جماعت ، مکه دن قالقوب صاحله ایتدی وایکی قایقه قارشى طرفه کچدی . عثمان بن مظعون حضرتلری بولرک رئیس بولونوبوردی .

(*) بو روایت غریجه در . چونکه : حضرت عائشه ، بعثتک بشنجی سنه سنده دوغمشدی . نیته کم (راغب پاشا خواجه سی) دینکله مشهر (ابراهیم الحللی) نك صیر منظومه سنده « وفی (مه) ولاده عائشه - والهجرة الاولى الى الحبشة » ده نیلرک مولد صقیقه (ه) یعنی (ه) رقم امجد نیسینه کوسته زیلشدر .

اهل اسلامك اوراده كى حضور و آسایشی
چكه مهین مكه مشركارى، عرب آتی و طائف سختیانی
کیبی قیمتدار هدیه لری حامله عمرو بن العاص ایله
دیگر برینی حبشه کونده ردیلر .

عمرو بن العاصك یولداشی حقنده ایکی مختلف
روایت واردر . ابن هشام (عبدالله بن ابی ربیعہ) ،
(سیره الحلیه) و (سیره النبویه) صاحب لری ایسه
عمارة بن الولید (ایدی دییور. حتی بوایکسی، عبدالله
بن ابی ربیعہ نك عمرو بن العاص ایله آرقه داشلی بدر
محاربه سنی متعاقب یاپیلان ایکینجی بر حبش سفرنده
اولدیغنی سویلیور که طوغروسی ده بواولسه کرکدر
مالیعی وار طاهر الطولی

شیخ عثمان شمس افندی حقنده :

شیخ محترم عثمان شمس افندی حضرتلری
حقنده یازدیغم مقاله ده « صدر اسبق عالی پاشا ایله
دیوان هایون قلمنده و بر آره لق بدستانده بولندیغنی »
ابن الامین محمود کمال بك افندی دن نقلاً بیان ایلشدم،
بو خصوصه دائر معلومات زانده آلمق اوزره اخیراً
میر مشارالیه مراجعتمده بوجه آتی ایضا حاتده
بولندی :

« حضرت عزیز ایله عالی پاشا مرحومك دیوان
قلمنده رفاقت ایتدک لری پاشانك مرحانده کی جامع
شریفك الی سنیه قریب امامت و خطابتده بولنان
فضایل خطاطیدن و محبان عزیز دن خواجه حسن
تحسین افندی مرحوم دن ایشیدلشدی . کتابخانه
فقیرانه منك مجموعه لر قسمنده (۲۲۳) نومروده
مقید و بعض صحایفی سر آمدان شعرادن مناسترلی
فائق بك طرفندن یازلدیغنی ملحوظ اولان مجموعه ده
محرر بعض غزلیاتك بالاسنده کی (بدستانی عثمان
نوری) اشارتدن عزیزك بدستانده بولنش اولدیغنی
استدلال اولنمشدی . بوغزللری شیخ مکرمك

متحیزان مریدانندن و فضیلت مندان امتدن چفته لر
خاراسی مدیری بیطر میرالایی ابراهیم بك مرحومه
کوندرمشدم . اشعار عزیز میانته قید ایتشدی .
حضرت شیخك اوتحاندن قرق سنه اول طبع و
نشر ایدلش اولان (تذکره فطین) ده « عثمان
نوری افندی سهم قلمنه بر مدت مداومتله مؤخرآ
طریقت علیه اویسمه یه سلوک ایدرک ۱۲۶۱ ده
(بزاستانده) واقع مباحیه کتابته تعیین قلممشدر »
دنیلمشدر . یته مشارالیه محمود کمال بك افندی
بیوردیلر که « عزیز مشارالیه ایام صباوتندن بری
منتسب و محب اولان بر ذات محترمده « افندی ،
عالی پاشا ایله دیوان قلمنده بولندی . خواجه
پاشا محله سنده قومشولق ایتدیلر ، پاشا دیوانده ایکن
افندی مالیه ده ایدی ، باب عالی یه انتساب ایچون
پاشا تشویق ایدرمش . عزیز حضرتلری بدستانده
خواجکی اولیوب آرایجی باشلیق خدمتده بولنمشدر .
بر زمان سرکه جیده توتونجی دکانی آچمشدر . بر
بکماش درویشی کلوب چوبوغنه توتون طولدر مسنی
سویله مش ، عزیز ، چوبوغنی طولدر دقدن بشقه
بر آووج توتون ده بخش ایتمش . درویش دکانك
نه وقت آچیلدیغنی صوروب ایکی اوچ آی اول
آچیلدیغنی جوابنی آلمسله « دکانی اوچ ایده قاتیرسهك
ضررله قاتیرسك . آلتی آیده قاتیرسهك سرماییه
توکتیرسك . برسنده دوام ایدرسهك سرماییه قدر
بورجه کیررسك دیمش . حضرت عزیز فی الحقیقه
آلتی آیده سرماییه توکتدك ، بیورمشدی »
دیمشدی . قدس اه اسراره

بوکی تبعلر ، حقیقتك تجلیسنه و اعظمك
قدرینك تقدیرینه خدمت ایدر شیر اوله جنی
عرفان عالییرینه عیاندر . بناء علیه بالمناسبه محفله
درجی رأی عارفانه لرینه وابسته در . کریم القطرتم
اقدم . حسین مصطفی